



CVP Graubünden  
PCD Grischun  
PDC Grigioni

*Communicaziun communabla allas medias dils 2 da matg 2021*

## **PCD e PBD arvan consultaziun per contract da fusiun e statutas**

**Il commembers dalla PCD han dau cun 85.89% ed il commembers dalla PBD cun 94.89% lur consentiment per ina fusiun. La grupp da lavur ha ussa elavurau il documents relevant per la fusiun, schau approbar quels dallas giuntas da partida ed aviert la consultaziun.**

Suenter il clar consentiment alla fusiun entras il commembers dad omisduas partidas ha la grupp da lavur elavurau las statutas sco era il contract da fusiun e tarmess quels documnts en consultaziun tier lur commembers respectivamein delegai. Entochen il 6 da matg san quels prender posiziun, avon ch'ils documents purificai vegnan mess si duront 30 gis per ch'ils commembers san prender investa. Silsuenter vegnan il delegai dalla PBD e PCD a votar il 7 da zercladur 2021 sur dalla fusiun.

Las statutas per «Die Mitte Graubünden - Alleanza dal Center Grischun - Alleanza del Centro Grigioni» sebasan sin las statutas dalla PCD Grischun las qualas ein vegnidas surluvradas cumpleinamein. En in empram pass giuridic vegn il num midaus. Quei succeda cun l'approbaziun dalla revisiun totala dallas statutas dalla PCD Grischun entras sia radunonza da delegai. Silsuenter han las radunonzas da delegai dalla PBD e PCD d'approbar il contract da fusiun cun mintgamai treis quarts dallas vuschs dils delegai present. Sche tuttas votaziuns ein reussidas, entra la fusiun en vigur il 7 da zercladur 2021 per immediat.

Il contract da fusiun regla las prescripziuns dalla fusiun e las disposiziuns transitorias per l'occupaziun dils uffecis e gremis. Quei ein denter auter la cumposiziun dalla giunta da partida, dalla radunonza da delegai e dalla suprastanza da fracziun dil cussegl grond. Igl ei definiu che ton il presidi dalla partida sco era dalla fracziun vegnan menai entochen il fevrer 2024 en in co-presidi. La PCD e la PBD han il dretg da tschentiar mintgamai in persuna per il co-presidi. L'occupaziun equilibra vala medemamein per il quatter vizepresidis da partida e la suprastanza da fracziun. Davart il num dallas persunas che vegnan ad occupar il gremis han las partidas aunc buc menau las tractativas. Il delegai dad omisduas partidas restan en uffeci entochen la fin dallas disposziuns transitorias.

Cun la fuorma tschernida han il responsabels serrau ina cunvegna che lubescha ad omisduas partidas ina representanza equilibra la quala dat il rinforzament necessari per dumignar las sfidas futuras. Cun il contract da fusiun mettan las duas partidas il crap da fundament per ina ferma politica dil center.

*Per ulteriuras informaziuns stein nus bugen a Vossa disposiziun:*

<p><b>Kevin Brunold</b>, menader da project e deputau PCD, tel. 078 847 62 68 <b>Martin Bettinaglio</b>, vicemenader da project e deputau PBD, tel. 076 389 11 22</p>
---